

通鑑明紀

一
函
六
冊
函

明紀卷第四十三

賜進士出身工部候補主事虞衡司行走陳鶴饗

卹贈知府銜給雲騎尉世職內閣候補中書孫男克家參訂

神宗紀五

起萬曆二十年壬辰迄萬曆二十三年乙未凡四年

二十年春正月給事中李獻可偕六科諸臣疏請豫教言元子年十有一矣豫教之典當及首春舉行倘謂內庭足可誦讀近侍亦堪輔導則禁闈幽閉豈若外朝之清肅內臣忠敬何如師保之尊嚴魂入帝大怒摘疏中誤書弘治年號責以違旨侮君命獻可貶一秩調外餘奪俸半歲王家屏封還御批力諫鍾羽正言獻可之疏臣實贊成之請與同謫給事中舒宏緒言言官可罪豫教必不可不行帝益怒出宏緒南京羽正獻可並以雜職徙邊方趙志皋論救被旨譴讓給事中陳尙象復爭之坐斥爲民尙象嘗劾罷尙書沈鯉爲士論所非至是人始稱焉給事中孟養浩言人臣卽至狂悖未有敢於侮君者陛下豈真以其侮而罪之耶獻可甫踏禮垣驟議鉅典一字之誤本屬無心乃遽蒙顯斥臣愚以爲有五不可元子天下本豫教之請實爲宗社計陛下不惟不聽且從而罰之是坐忍元子失學而徹常宗社也不可者一長幼定序明自森嚴天下臣民旣曉然諒陛下之無他矣然豫教冊立本非兩事今日既遲同於豫教安知來歲不游移於冊立是重啟天下之疑不可者二父子之恩根於天性豫教之請有益元子明甚而陛下罪之非所以示慈愛不可者三古者引裾折檻之事中主能容之陛下量侔天地奈何言及宗社大計反震怒而摧折之天下萬世謂陛下何如主不可者四獻可等所論非二三言官之私言實天下臣民之公言也今加罪獻可可是所罪者一人而實失天下人之心不可者五祈陛下收還成命亟行豫教給事中丁懋遜張棟吳之桂楊其休葉初春及鄒德泳亦各有疏帝益怒言冊立已論於明年舉行養浩疑君惑服殊可痛惡丙戌命錦衣衛於闕下杖之百除名永不敘用獻可羽正宏緒亦除名德泳懋遜等六人並貶一秩出之外帝又謂養浩所導之詞根託錢一本造言誣君搖亂大典遂併斥一本爲民當是時帝一怒而斥諫官十一人朝士莫不駭歎然諫者卒未已禮部員外郎董嗣成賈名儒特疏爭之御史陳禹謨給事中李周策亦偕其寮論諫帝怒加甚奪嗣成職謫名儒邊方德泳懋遜等並斥爲民禹謨等停俸有差禮部尙書李長春等復疏諫帝再詰讓獻可等遂廢於家王家屏上疏曰漢汲黯有言天子置公卿輔弼之臣監令從史承意陷主於不義乎每感斯言惕然內愧頃年以來九閭重閉宴安懷毒郊廟不饗堂陛不交天災物怪罔徹宸聰國計民生莫關聖慮臣備員輔弼職雖官久當退避迺今數月間請朝講請廟饗請元旦受賀請大計臨朝恐廢不報臣大馬微誠不克感同天意已可見矣至豫教皇儲自宜早計奈何厭聞直言概加貶謫臣誠不忍明主蒙喑諫之名熙朝有橫施之罰故冒死屢

陳若依違保禍洪泌苟容汲黯所謂陷主不義者臣死不敢出此願賜骸骨還田里帝得奏不下趙志昂具揭爲家屏責家屏希名託疾家屏復奏言名非臣所敢棄願臣所希者陛下爲堯舜之主臣爲堯舜之臣則名垂千載沒有餘勞言其顏觸忌抗爭債事被譴罷歸何名之有必不希名將使臣身處高官家享厚祿主愆莫正政亂莫正可謂不希名之臣矣言其奚賴焉更使臣棄名不願違迎爲悅阿諛取容許敬宗李林甫之姦佞無不可爲九廟神靈必陰殛臣豈特得罪於李言其臣已哉疏入帝益不悅遣內侍至邸責以徑駁御批故激主怒託疾要君家屏言言涉至親不宜有怒事關典禮不宜有與諸臣但知爲宗社大計盡言効忠而已豈意激皇上之怒哉於是求去益力或勸少需就大事家屏曰人君惟所欲爲者

大臣持祿小臣畏罪有輕羣下心吾意大臣不愛爵祿小臣不畏刑誅事庶有濟耳遂復兩疏懇請御史馮從吾言陛下郊廟不親朝講不御章奏畱中不發試觀戊子以前四裔效順海不揚波己丑以後南倭告警北寇淪盟天變人妖疊出果告勵精之效如彼怠教之患如此近頒敕諭謂聖體違和欲借此自撙不知鼓鐘於官聲聞於外陛下每夕必飲每飲必醉每醉必怒左右一言稍違輒斃杖下外廷無不知者天下後世其可欺乎願陛下勿以天變爲不足畏勿以人言爲不足卹勿以目前宴安爲可恃勿以將來危亂爲可忽宗社幸甚帝大怒欲廷杖之會仁聖太后壽辰關臣力解得免大計外吏給事中李春

開王遵訓何偉丁應泰御史劉汝康皆先爲外吏有物議陸光祖悉論黜之又舉許孚遠顧憲成等二十二人時論翕然稱焉

刑部尚書孫丕揚言新獄之不速由文移牽制故耳議斷既成部寺各立長單刑部送審掛號次日即送大理審允次日即還本部參差者究虛庶事體可一至於打斷相驗令御史三六九日遵例會同餘日止會寺官以速遣徒流以上部寺詳鞠笞杖小罪聽堂部處分命如議行初西部人呼拜得罪其部長父兄皆見殺拜跳身來降驍勇屢立戰功官監夏副總兵

千承恩夢妖物而生狼形暴蹄性狠戾拜老襲職洮河告警御史周宏禴舉承恩及拜義子雲指揮王文秀等將材巡撫都御史黨馨檄文秀西援拜謁鄭洛願與承恩從軍聲惡其自薦抑損之拜心怨至金城見諸鎮兵皆出其下比賊退道塞外還寇騎遇之皆辟易遂有輕中外心聲數裁拜且按承恩罪筆之二十雲文秀亦以他故怨馨會戊卒請衣糧久弗給拜遂喊軍鋒劉東陽許朝作亂三月戊辰殺署及副使石繼芳游擊梁琦守備馬承光逼總兵官張維忠益死東陽自稱總兵奉拜爲謀主據宣夏城反承恩陷玉泉營中衛廣武取河西四十七堡惟平慶參將蕭如薰堅守賊引河套著力免宰僧攻之並犯花馬池全陝震動辛未王家屏致仕家屏柄國止半載又強半杜門以讓直去國朝野惜焉士申魏學曾檄副總兵李向帥游擊吳顯超靈州別遣游擊趙武趙鳴沙州沿河扼賊南渡而自駐花馬池當賊衝等渡河賊將多遁去四十七堡皆復唯宣夏

鎮城尙爲賊據著力免等中外相呼應呼拜工文秀攻趙武於玉泉亭雲著力免急攻平虜蕭如薰伏兵南關陽敗誘賊入射
臺死餘眾敗去又襲著力免營獲人畜甚多賊乃退肅教武國亦解 吏部擬量移萬國欽爲建宣推官饒州爲刑部主事帝
以二人皆特貶不宜遷切責尙書陸光祖而盡罷文選郎中王教員外郎葉隆光主事唐世堯陳遵璉等趙志皋疏救被旨切
責光祖謂事由己引罪乞休爲郎官所宥亦不許已會推閣臣廷臣循故事首光祖名詔報曰卿前請廷推推固宜首卿光祖
知不能容日懷去志會光祖以王時槐洛丞王樸汝節南老成魁艾特推薦之給事中喬允遷劾光祖及文選郎鄒觀光光祖
逐力求去許之光祖清強有識練達朝章每議大政一言輒定與宋縯相繼爲吏部部權始克振 中朝聞呼拜反欲遣李成
梁爲將未敢決御史梅國禎特疏保之給事中王德完持不可國禎乃薦成梁子如松有大將才其弟如梅如樟並年少英傑
宜令討賊夏四月甲辰命如松督陝西討逆軍務總兵官將遼東宣府大同山西諸鎮兵以往而國禎監其軍武臣之有
提督自此始甲寅甘肅巡撫葉夢熊上疏自請討賊許之又詔陝西巡撫沈思孝移駐下馬關爲大軍聲援李嗣與故總兵牛
秉忠抵寧夏城下賊於東西二門各出驍騎三千搏戰步卒列火車爲營官軍擊之奪其車百輛追奔入朔賊溺死無算副總
兵王通戰尤力家丁高益等乘勝入北門後兵不繼被殺通亦負傷榆林游擊俞尙德戰死時虜盡王薨鎮原王伸垣理府事
賊脅伸垣上東城乞暫罷兵詭言願獻首級官軍亦糧盡乃引退休近堡魏學曾日夜趨易饒汴舟調兵思孝與學曾議軍事
不合給事中侯慶遠劾之召爲大理寺卿伸垣謀襲賊弗克府中人皆被殺憲王妃方氏匿其子帥鉅地窖中自經死壽陽王
倪勳脅降不屈爲賊所囚 瘞力克縛史二叩關獻俘復還二年市賞 祖陵之被水也議者或欲開傳宣河至六合入江或
欲濬周家橋入高寶諸湖或欲開壽州瓦埠河以分淮水上流或欲弛張福堤以洩淮口獨潘季馴謂祖陵王氣不宜輕洩巡
撫周家陳于陞巡按高舉謂周家橋在祖陵後百里可疏濬先是季馴三疏乞休不允至是給事中楊其休請允季馴去從之
季馴將行條上辨惑者六事力言河不兩行新河不當開支渠不當濬又著書曰河防一覽大旨在於築堤障河東水歸漕築堤
障淮逼淮注黃以清刷濁沙隨水去合則流急急則蕩滌而河深分則流緩緩則停滯而沙積上流既急則海口自開而無待
於開其治堤之法有緩堤以束其流有遙堤以寬其勢有滾水壩以洩其怒法甚詳言甚辨然是時水勢橫潰徐泗淮揚間無
歲不受患祖陵積水季馴謂當自消已而不驗於是季馴言訕而分黃導淮之議起 平秀吉廣徵諸鎮兵儲三歲糧欲自將
以犯中國會子死旁無兄弟前奪豐後島主妻爲妾慮其爲後患而諸鎮怨秀吉暴虐威懷異志曰此舉非襲大唐乃襲我耳
秀吉乃遣其將清正行長義智信元蘇宗遠等將舟師數百艘陷朝鮮之釜山鎮乘勝長驅五月渡臨津掠開城分陷豐德諸

那時朝鮮承平久兵不習戰其王昫又酒酒弛備猝見寇至皆望風奔潰昫棄王京令次子理攝國事奔平壤已復走義州遣使給報告急且請內屬倭遂入王京執其王妃王子追奔至平壤放兵淫掠趙志舉張位建議凡大僚缺令九卿各舉一人類奏以聽上裁用杜專擅吏部尙書孫繼言廷推之法大臣得其衡可否此爲人於朝與眾共之義類奏敢倖途非制史孟麟亦言類奏之法以一部之事分而散諸諸司究以諸司之權合而收諸禁密事雖上裁旨由閣擬脫有私意奸其間內託上旨外諉廷言誰執其咎又脫有馮保張居正者黃綠爲奸授意外廷小人趨承扶同罔上朝廷不得察其非常官不得爭其是又誰執其咎此收攬威權之漸必不可從也帝皆不納卒從位等議呼拜復以套寇五百騎圍平壤堡副總兵麻貴選精卒三百聞道馳卻之魏學曾命貴撫着力免銀定率僧於橫城陵以重利皆不應貴乃還延綏游擊姜顯謨都司蕭如憲甘州故總兵張傑軍皆至乃復攻宣夏賊計延綏榆林兵出內虛勾黃台吉妻令其子搶達大從子火落赤土味鐵雷掠舊安邊輒并堡以牽我兵呼承恩以間合寇兵伏延漢渠掠糧車二百學曾自花馬池遣靈州被圍救至而解牛秉忠戰傷右股乃復還師會帝以石星言賜學曾尙方劍督戰宣夏巡撫朱正色總兵官董一奎及葉夢熊梅國禎劉承嗣李如松先後至軍帝聞蕭如燕孤城抗賊大喜六月命代董一奎爲宣夏總兵官盡統諸援軍以貴爲副丁未諸軍復進攻城連戰不下初學曾欲招劉東賜許朝令殺拜父子自贖遣卒葉得新往四人方約同死折得新脛置之獄正色至以候督總宣夏兵與拜善復遣之招拜朝乃昇得新見傑得新大罵賊被殺傑亦繫不返宣夏百戶姚欽武生張遐齡射書城外約內應夜半舉火外兵不至賊殺其黨五十人欽鎚城來奔賊糧盡乃以求撫緩師而奉黃金贖於下失免等請急徇靈州先據下馬關阻饒道學曾與夢熊國禎定計決黃河大壩水以灌城如松不欲受總督制事輒專行石星及給事中許宏綱以爲言帝乃下詔申飭下失免莊禿賴以三萬騎犯定邊小鹽池以土味鐵雷爲前鋒別遣率僧以萬騎從花馬池西沙井口入爲拜聲援貴擊之石溝寇稍挫分趨下馬關及鳴沙洲學曾令游擊龔子敬扼沙井口而檄延綏總兵官董一元擣土味鐵雷巢斬首百三十盡取其畜產寇大驚引去遇子敬圍之十重子敬死寇遂遁賊復乞援於著力免著力免復以萬餘騎至張亮堡如松帥勁騎迎戰手斬士卒畏縮者自卯迄巳敵銳甚會貴及李如樟等兵至夾擊之寇乃卻逐北至賀蘭山獲首級百二十餘持示賊賊益恟懼秋七月孟秋朔廟帝不親行太常寺少卿王汝訓極諫不聽癸酉給事中張問達以宣夏用兵請盡蠲陝西通賦從之廷議以朝鮮爲國藩籬在所必爭遣行人薛藩諭李昫以興復大義揚言大兵十萬且至蹇達遣游擊史儒帥師至平壤副總兵祖承訓統三千人渡鴨綠江爲援甲戌與倭戰大敗儒等死承訓僅以身免中朝震動魏學曾之遣葉得新也固原十日以俟之帝責

其玩寇李昫渡河又遷松山河養寇先入官軍再失利學曾當上疏令監軍無與兵事梅國禎憾之及至軍勅諸將觀望頗咎學曾給事中許子偉劾學曾惑於招撫誤國事甲申詔罷學曾以葉夢熊代亦賜尚方劍駐靈州調度未幾國禎言僉事隨府從城上躍下賊令四人下取我軍咫尺不敢前又北寇數萬斷我糧道殺戮無算臣不以奏帝大怒遂逮學曾下獄斥爲民刑部員外郎于玉立言陛下寵幸貴妃宴逸無度恣行威怒鞭笞羣下宮人閹豎無辜死者千人夫人懷必死之心而使處肘腋房閹間儻因利乘便甘心一逞可不寒心田義本一奸豎陛下寵信不疑適者奏贖或下或留推舉或用或否道路籍籍咸謂義縱弄其間蓋義以陛下爲城社而外廷之檢邪又以義爲城社黨合謀連其禍難量且陛下一惑於嬖倖而數年以來問安視膳郊廟朝講一切不行至邊烽四起禍亂成形猶不足以動憂危之情奪晏安之習是君身之不修未有甚於今日者矣夫宮庭震驚而陛下若罔聞何以解兩宮之憂深拱禁中開黃綠之隙致邪孽侵權而陛下未察其奸何以杜旁落之漸萬國欽顙未嘗忤旨而終於禁錮何以勵骨鯁之臣上下隔越國議軍機無由參斷而陛下稱旨下令終不出閭闔之間何以盡大臣之謀忠良多損邪佞得名何以作羣臣之氣遠近之民皆疑至尊日求般樂不顧百姓塗炭何以繫天下之心因力言李如松麻黃不可爲大將鄭洛不當再起石星不堪爲本兵疏入不報 八月乙巳兵部右侍郎宋應昌經略備倭軍務時寧夏未平朝鮮事復起石星計無所出議遣人偵探之於是嘉興人沈惟敬應募惟敬者市中無賴也 己酉詔天下督撫舉將材寧夏賊破圍入食盡無援而城受水浸益大崩梅國禎挾諸將趙南關牛秉忠先登國禎大呼諸將畢登賊退據大城攻數日不下國禎使間始劉東陽許朝亨承恩互相殺以降賞其罪三人內猜疑東陽朝遂誘土文秀承恩亦與其黨周國柱誘東陽朝殺之盡懸東陽朝文秀首城上開門降李如松帥兵圍呼拜家拜倉皇縋闔室自焚死葉夢熊自靈州馳至下令盡誅拜黨及降人二千慰問宗室士庶九月壬申寧夏平夢熊國禎朱正色各上捷奏而俘承恩獻京師 冬十月壬寅李如松提督薊遼保定山東軍務充防海禦倭總兵官救朝鮮如柏如梅並帥師援勤時平秀吉次對馬島分其將行長等守要害爲聲援沈惟敬至平壤執禮甚卑行長給曰天朝幸按兵不動我不久當還以大同江爲界平壤以西盡屬朝鮮耳惟敬以聞廷議倭詐未可信乃趣宋應昌等進兵而石星頗惑於惟敬題署游擊將軍赴軍前且請金行間 振畿內浙江河南被災諸府蠲租有差時東征諸軍悉集天津保定巡撫都御史劉東星請漕米十萬石平糶民乃濟 梅國禎劾葉夢熊貪功殺降事 李拜所裔家人皆死士援一二日劉東陽許朝黨復集必再亂帝爲下詔和解之十一月戊辰御門受俘磔呼承恩於市夢熊等論功有差帝召見趙志皋張位皆力爲魏學曾解石星等多白學曾無罪國禎言學曾應變稍緩臣請責諸將以振士氣而逮學

曾之命發自臣疏竊自悔恨學曾不早雪臣將受萬世譏李如松言學會被逮時三軍雨泣夢熊亦推功學會帝初不聽既而復其官御史劉芳譽言諸宗死節者俱應卹錄方如宜建祠旌表詔從之給銀萬五千兩分賜諸宗人 楊應龍詣重慶對簿坐法當斬請以二萬金贖御史張鶴鳴方駁問會倭入朝鮮徵天下兵應龍因奏辨且請將五千兵征倭自贖詔釋之兵已啟行尋報罷 暹羅入貢其使諸滑師直擄日本石星議許之兩廣總督蕭彥言暹羅處極西去日本萬里安能飛越大海請罷其議星執不從既而暹羅兵卒不出 十二月甲午以盧夏賊平告天下 安南鄭松誘土人內應襲殺莫茂拾奪其都統使印親黨多遇害有莫敦讓者奔防城告難兩廣總督陳璘以聞松復禽敦讓勢益張 李如松新立功氣益驕與宋應昌不相下故事大帥初見督師甲冑庭謁出易冠帶始加禮貌如松用監司謁督撫儀素服側坐而已沈惟敬自倭歸述行長請封意如松叱惟敬檢邪欲斬之參謀李應試曰藉惟敬始倭封而陰襲之奇計也如松以爲然乃置惟敬於營誓師渡江二十一年春正月己未師次肅望館行長以爲封使將至遣牙將二十人來迎如松檄游擊李宣生縛之倭猝起格鬪僅獲三人餘走還行長大駭復遣所親信小西飛來謁如松慰遣之辛酉師進次平壤行長猶以爲封使也時風月橫以待羣倭花衣夾道迎如松分布諸軍抵平壤城諸將巡邏未入形大露倭悉登陴拒守是夜襲如柏營擊卻之王戌如松下令諸軍無割首級攻圍缺東面以倭素易朝鮮軍令祖承訓詭爲其裝潛伏西南合游擊吳惟忠攻迤北牡丹峯如松親提大軍直抵城下攻其東南倭礮矢如雨軍少卻如松斬先退者以徇募死士援鈎梯直上倭方輕南面朝鮮軍承訓等乃卸裝露明甲倭大驚急分兵捍拒如松已督副將楊元等自小西門先登如相等亦從大西門入火器並發烟燄蔽空惟忠中礮傷胸猶奮呼督戰如松馬斃於礮易馬馳墮堦躍而上麾兵益進將士無不一當百遂克之獲首功千二百有奇倭退保風月樓夜半行長渡大同江遁還龍山宣及參將查大受帥精卒三千潛伏東江間道復斬級三百六十乘勝遂北如柏進復開城黃海平安京畿江源四道並復倭清正據咸鏡亦遁還王京 申時行等相繼去位有詔趣召王錫爵辛未還朝遂爲首輔 徵江西舉人鄧元錫爲翰林待詔劉元卿爲國子博士南畿諸生王敬臣以國子博士致仕有司時加優禮元錫甫就道而卒 先是有旨是年春舉冊立大典戒廷臣毋瀆陳廷臣鑒張有德事咸默歎及王錫爵至密請帝決大計辛巳帝遣內侍以手詔示錫爵欲待嫡子令元子與兩弟且並封爲王錫爵懼失上指立奉詔擬諭旨又外慮公論因言漢明帝馬后唐明皇王后宋真宗劉后皆養諸妃子爲子請令皇后撫育元子則元子卽嫡子而生母不必崇位號以上歷皇貴妃亦擬諭以進同列趙志皋張位咸不與聞帝竟以並封詔下禮官令卽具儀於是舉朝大譁史孟麟及禮部尚書羅萬化等羣詣錫爵第力爭光祿寺丞朱維京首抗疏

日往奉聖諭許二十一年冊立廷臣莫不延頸企踵今忽改而爲分封是向者大號之頒徒戲言也夫元子既長欲少遲冊立以待中宮正嫡之生祖宗以來實無此制考英宗之立以宣德三年憲宗之立以正統十四年孝宗之立以成化十一年少者止一二齡多亦不過五六齡耳維時中宮正位嫡嗣皆虛而祖宗曾不少待卽陛下冊立亦在先帝二年之春近事不遠何不取而證之且聖人爲政必先正名今分封之典三王並舉冠服宮室混而無別府寮庶案清而無辨是以天下爲戲也況大臣以道事君不可則止錫爵縱不能如李沆引燭之焚亦當爲李泌造膝披陳轉移垂心而後已奈何懸無一語效楊素李勣爲千古罪人耶給事中王如堅疏曰謹按十四年正月聖諭元子幼小冊立事俟二三年舉行是明言長子之爲元子也又十八年正月詔旨朕無嫡子長幼自有定序是明示倫次之不可易也又十九年八月奉旨冊立之事改於二十一年舉行此則陛下雖怒羣臣激聒輒更定期未嘗遽廢冊立之事也今忽傳並封三王以待嫡嗣是陛下前此灼然之命尚不自堅今日羣臣將何取信夫立嫡之條祖訓爲廢嫡者戒非今日之謂也皇長子十二齡矣皇后素賢明何有舍當前之景嗣而覬幸不可知之數怒官闈之內左右近習之輩見形生疑未必不以他意窺陛下如往歲宗室之中已有並封之疏安知非機事外洩彼得量朝廷之淺深也帝得二人疏震怒命並成極邊光祿寺少卿涂杰丞王學曾就繼上斥爲民時廷臣諫者甚眾侍郎陳子陞趙用賢鄧以讚郎中于孔兼何喬遠員外郎顧憲成陳泰來主事顧允成張納陞岳元聲賈巖洪文衡給事中林材張貞觀御史吳安濟中書舍人吳仁度等章日數上錫爵惜志卑位力請追還前詔帝知不可盡斥但報違旨行元聲允成納陞泰來孔兼與李啟美曾鳳儀鍾化民項德禎等遷錫爵於朝房面爭之助教薛敷教上書錫爵言中宮有出而始重則仁聖之心不安後宮有出而終輕則慈聖之體亦屈庶吉士李騰芳亦言公欲借封王轉作冊立恐王封既定大典愈遲他日公主而事壞罪公始謀何以自解此不獨宗社憂亦公之孫福也錫爵請下廷議不許兩面對不報乃自劾三誤乞罷斥帝亦迫公議追疑前命少俟二三年議行錫爵疏救維京如堅命免成爲民錫爵又上疏請速決且曰曩元子初生業爲頒詔肆赦詔書稱祇承宗社明以皇太子待之矣今復何疑而弗決哉不報維京衛之子于陞以勤之子仁度倬之子也李如松既連勝有輕敵心王午再進師朝鮮人以賊棄王京告如松信之將輕騎趨碧蹄館距王京三十里猝遇倭圍數重如松督部下鏖戰一金甲倭擄如松急指揮李有聲殊死救被殺如柏李宣等奮前夾擊如梅射金甲倭墮馬楊元兵亦至斫重圍入倭乃退官軍喪失甚多會天久雨騎入稻畦中不得逞倭背岳山面漢水聯營城中廣樹飛樓箭礮不絕如松乃退駐開城莫茂治之死也子敬恭與莫履遜等奔廣西思陵州莫履機奔欽州獨莫敬邦有取十餘萬起京北道擊走黎黨范致萃范百祿諸軍莫敦讓得復歸

取乃推敵邦署都統諸流寓思陵欽州者悉還已募兵攻南潯州敵邦被殺莫氏勢益衰敵恭敬用屯諒山高平敬璋屯東海新安懼黎兵追索寓至龍州瀝祥界令土官列狀告當事黎維澤亦叩關求進貢職以國王金印二月廣西巡撫陳大科等言黎邦易姓如弈棋止當以叛我服我爲順逆維澤雖圖恢復而茂治固天朝外臣也安得不請命而擱然戮之竊謂黎氏擅興之罪不可不問莫氏子遺之緒亦不可不存儻如先朝故事聽黎氏納款而仍存莫氏比諸漆馬江不翦其祀於計爲便廷議如其言 諜報倭以二十萬人寇李如松令楊元軍平壤扼大同江接應道如柏等軍寶山諸處爲聲援查大受軍臨津阻李宣祖承訓軍開城而身自東 西調度聞倭將平秀嘉據龍山倉積粟數十萬密令大受師死士從間道焚之倭遂乏食甲寅敕勞征東將士 先是大計京朝官孫繼力杜請謁文選員外郎呂允昌繼甥也首斥之考功郎中趙南星亦自斥其姻給事中王三餘一時公論所不予者給事中胡汝鑑楊文舉苗朝陽少卿徐泰時等貶貽始盡趙志臯之弟與焉王錫爵以首輔還朝欲有所庇比至而察疏已上庇者在黜中由是執政皆不悅會言官以拾遺論劾詹勳員外郎虞淳熙職方郎中楊于廷主事袁黃鑑議譴黃國淳熙于廷詔其方贊畫軍務亦畱之給事中劉道隆言吏部議畱拾遺席僚非法得旨責部臣專權結黨讒言淳熙臣鄉人安貧好學于廷力任西事石星極言其才今宣夏方平臣不敢以功爲罪且旣名黨覆不嫌異同若知其無罪以諫官一言而去之自欺欺君 臣詎不忍爲也帝以讒不引罪奪其俸貶南星三官淳熙等俱勒罷歸還乞休且白南星無罪李世達以已同掌察而南星獨被譴亦爲南星淳熙等訟帝皆不聽於是殺都御史王汝訓右通政魏允貞大理寺少卿曾乾亨及于孔兼陳泰來顧允成張納陞賈巖薛敷教交章訟南星冤而泰來詞尤切其略曰臣嘗聞更京察其在丁丑張居正以容情故用御史朱理謀借星變計吏箝制眾口署部事方逢時考功郎中劉世亨依違其間如察文範智孔教輩並掛察典不爲眾所服幸已居正威福已成王國光唯諾惟謹考功郎中孫惟清與給事中秦燧謀盡網建言諸臣吳中行等今輔臣志卑位撫臣趙世卿亦與其列公論寬之丁亥御史王國力折給事楊廷相同官馬允登邪議而尙書楊巍素性模稜考功郎徐一楨立調停之畫涇渭失辨亦爲時議所譏獨今春之役旁咨博采實稱情邪詔盡屏貪墨必汰乃至鑷割涇陽之情南星忍秦晉之好公正無喻此者 元輔錫爵兼程赴召人或疑其欲干計典今其親故皆不能庇欲甘心南星久矣故道陸章上而專權結黨之旨旋下夫以吏部議畱一二庶僚爲結黨則兩都大僚被拾遺者二十有一人而閣臣議畱者六詹事劉虞慶以錫爵門生而畱獨可謂之非黨耶且部權歸閣自高拱以來已非一日尙書宋儒楷欲振之而齟齬以死尙書陸光祖文選郎王教考功郎鄭觀光夫夫澄清而不久斥逐今復借拾遺激衆怒是內璫與閣臣表裏竊劫部臣而陛下不之察也疏入帝怒

謫孔兼等州判官泰來典史敷教州學正皆先後自引歸世達又抗疏論救帝益怒盡斥南星淳熙子廷黃爲民鑑乃上疏言吏部雖以用人爲職然進退去留必待上旨是權固有在非臣部得專也今以雷二庶僚爲專權則無往非專矣以雷二司屬爲結黨則無往非黨矣如避專權結黨之嫌畏縮選使銓職之輕自臣始臣之大罪也臣任使不效徒潔身而去俾專權結黨之說終不明於當時後來者且以臣爲戒又大罪也固請賜骸骨仍不允鑑遂杜門稱疾疏累上帝猶溫旨慰雷賜羊豕酒醬米物且敕侍郎蔡國珍署選事以需鑑起世達求去亦不許南星既斥其後顧憲成繼罷鄒元標亦自引歸海內擬之三君初官軍捷平壤鋒銳甚不復問封貢事及碧蹄館之敗李如松氣大索而宋應昌急圖成功倭亦芻糧並絕且懲平壤之敗有歸志於是封貢之議起應昌得倭報沈惟敬書令游擊周宏謨同惟敬往諭倭獻王京返王子如約縱歸夏四月癸卯倭果棄王京遁如松與應昌入城遣大兵渡漢江尾倭後將擊其情歸倭步步爲營分番迭休官軍不敢擊倭乃結營釜山爲久圍計而石星力主封貢上言朝鮮故土復定宜令李哈還國居守各鎮兵以次撤歸詔可之御史郭實論應昌不足任并陳七不可以沮撓謫懷仁典史戎政都御史郝杰謂平秀吉罪不勝誅願加以爵命荒外聞之謂中朝無人以異議出爲南京戶部尚書已應昌疏稱釜山雖瀕海而猶朝鮮境有如倭覘我罷兵突入再犯朝鮮不支前功盡棄今撥兵協守爲第一策卽議撤宜少需倭倭盡歸量留防戍星等乃議留江浙兵五千分屯要害仍論哈蒐練軍實毋恃外援李材繫獄五年論救者五十餘疏會孟養使入貢具言緬人侵軼天朝救援破敵有功聞典兵者在獄眾皆流涕楚雄士民間世祥等亦相率詣闕訟材冤帝意稍解乃命再勸勒至材罪不掩功王錫爵等再疏爲言乃命戍鎮海衛材所至輒聚徒講學獄時就問者不絕至戍所學徒益眾五月大雨河決單縣黃埔口一由徐州出小浮橋一由舊河達鎮口開邳城陷水中高郵寶應諸河隄決口無算孫丕揚言五歲方卹刑恐冤獄無所訴請敕天下撫按方春時和令監司按行州縣大錄繫囚按察使則錄會城囚死罪矜疑及流徒以下可原者撫按以達於朝期毋過夏月輕者立遣重者仍聽部裁帝報從之六月丁酉詔天下每歲夏月錄囚減釋輕繫如南京例未幾丕揚條上省刑省罰各三十二事帝優詔從之自是刑獄大減吏部請起前給事中張棟官忤旨奪尙書侍郎俸謫文選郎中孟化鯉員外郎項復宏主事姜仲軾雜職王錫爵等疏救命以原品調外頃之給事御史復交章救帝怒奪言者倖斥化鯉等爲民癸卯沈惟敬歸自釜山同小西飛來請款倭隨犯戚安晉州逼全羅聲復漢江以南以王京漢江爲界李如松急遣李平胡查大受屯南原祖承訓李宣屯咸陽副總兵劉經屯陝川扼之倭果分犯諸處諸將並有新獲給事中張輔之遼東都御史趙燿皆言款貢不可輕受秋七月倭從釜山移西生浦送回王二陪臣時師久暴露聞撤勢難久羈

宋應昌請留經川兵吳惟忠駱尚志等南兵合計遠兵共萬六千聽經分布慶尙之大邱月堡五萬兩資之戶兵一部先是發帑給軍費已累百萬廷臣言虛內實外非長策請以所留川兵命經訓練兵饒令本國自辦癸丑召諸邊鎮兵還併撤惟忠等兵止留經兵防守吏部尚書孫繼致仕繼堅卧三月疏至上嘗曰大臣不合惟當引去否則有職業在謹自守足矣其志節如此孫繼既去王錫爵欲用羅萬化爲吏部尚書文選郎中顧憲成不可乃用陳有年乙卯彗星見東井有詔修省王錫爵請延見大臣又言彗漸近紫微宜慎起居之節寬左右之刑寡嗜欲以防疾故積聚以廣恩皆報聞乙亥彗星逆行入紫微犯華蓋八月丙戌以災異敕戒內外諸臣修舉實政錫爵言彗已入紫微非區區用人行政所能消弭惟建儲一事可以禳之蓋天王之象曰帝星太子之象曰前星今前星既耀而不早定故致此災誠遠行冊立天變自弭帝仍報以待期之說錫爵答奏復力言之又連章懇請九月朝鮮王崐以三都既復疆土再造上表謝恩時石星一意主款兵部主事曾偉方言倭寇已還行長猶據釜山知我兵未撤不敢以一矢加遺欲歸報關白捲土重來則風不利正苦冬寒故款亦去不款亦去沈惟敬前於倭營講賊安晉州隨陷而欲恃款冀來年不攻則速之款者正速之來耳故款亦來不款亦來宜令朝鮮自爲守弔死問孤練兵積粟以圖自強帝以爲然因教諭諭者甚至初趙用賢有女許御史吳之彥子鎮用賢爭張居正奪情之彥懼及深結居正得巡按福建過里門不爲用賢禮坐鎮於第下曰婢子也以激用賢用賢知其受王篆指遂反幣告絕及用賢再起尤爲申時行許國等所忌官南京者累年已而爲禮部侍郎復以爭三王並封語侵王錫爵爲所銜會改吏部侍郎與文選郎顧憲成辨論人才羣情益附錫爵不便也之彥方以僉事論罷乃使鎮許用賢論財逐墻費法棄倫用賢疏辨乞休詔禮部平議羅萬化以之彥其門生引嫌力辭錫爵乃上議曰用賢輕絕之彥緩發均失也今趙女已嫁難問初盟吳男未婚無容反坐欲折其衷宜聽用賢引疾而曲貸之彥詔從之戶部郎中楊應宿鄭材嘗欲出用賢門下爲所鄙絕遂上疏力詆用賢請據律行法都御史李世達戶部侍郎李楨疏直用賢斥應宿材讒詔亦爲所攻世達遂連章乞休冬十月許致仕楨亦乞休不允御史宋興祖請改材他部選楨全大臣體乃出材南京行人高攀龍上疏曰近見朝宁之上善類擯斥一空大臣則孫繼李世達趙用賢去矣小臣則趙南星陳泰來顧允成薛敷教張納陛于孔兼賈巖斥矣李楨曾乾亨復不安其位而乞去矣選郎孟化鯉又以推用言官張棟空署而逐矣夫天地生才甚難國家需才甚亟廢斥如此後將焉繼致使正人捩腕曲士彈冠世道人心何可勝慨陛下朝講久輟廷臣不獲望見顏色天言傳布雖曰聖裁隱伏之中莫測所以故中外羣言不曰輔臣欲除不附己則曰近侍不利用正人陛下深居九重亦曾有以諸臣賢否陳於左右而陛下於諸臣亦嘗一思其得罪之故乎果以爲皆

由聖怒則諸臣自孟化鯉而外未聞忤旨何以皆罷斥即使批鱗逆耳如董基等陛下已嘗收錄何獨於諸臣不然臣恐陛下有祿邪之果斷而左右反借以行媚嫉之私陛下有容言之盛心而臣工反貽以拒諫諍之誚傳之四海垂諸史冊爲聖德累不小輔臣王錫爵等跡其自待若愈於張居正申時行察其用心何以異於五十步笑百步即如諸臣罷斥果以爲當然則是非邪正恒人能辨何忍坐視至尊之過舉得毋內洩其私憤而利於斥逐之盡乎末力詆材應宿諂諂宜黜應宿亦疏許攀龍語極妄誕疏並下部院議請薄罰兩臣稍示懲創帝不許鑄應宿二秩謫攀龍揭陽縣添註典史御史吳宏濟復爭之貶二秩調外錫爵及給事御史疏救斥爲民已南京刑部郎中譚一召主事孫繼有復交章劾錫爵爲攀龍辯帝怒曰近罪攀龍出朕獨斷小臣無狀詆誣閣臣朋奸黨惡不可不罪其除一召名謫繼有極邊雜職南京吏部主事安希范疏繼上亦黜爲民給事中葉繼美疏救二人帝益怒并除繼有名遣官逮希范一召奪繼美俸一年錫爵力救詔免逮諸人遂廢於家攀龍尋遭親喪亦不復出給事中遂中立言諸臣率好修士使陰伏田野可惜忤旨停俸一歲材落之子也 丙申停刑 十一月慈聖皇太后生辰帝御門受賀畢獨召王錫爵暖閣勞之曰卿扶母來京誠忠孝兩全錫爵叩頭謝對曰臣今日正恐忠孝兩虧因力請早定國本帝曰中官有出奈何對曰此說在十年前猶可今元子已十三尙何待況自古至今豈有子第十三歲猶不讀書者帝頗感動錫爵因請頻召對保聖躬退復上疏力請且曰外廷以固寵陰謀歸之皇貴妃恐鄭氏舉族不得安惟陛下深省帝得疏心益動手詔諭錫爵卿每奏必及皇貴妃何也彼數勸朕朕以祖訓后妃不得與外事安敢輒從錫爵上言今與皇長子相形者惟皇貴妃子天下不疑皇貴妃而誰疑皇貴妃不引爲己責而誰責祖訓不與外事者不與外廷用人行政之事也若冊立乃陛下家事而皇三子又皇貴妃親子陛下得不與皇貴妃謀乎且皇貴妃久侍聖躬至親至賢外廷紛紛莫不歸怨臣所不忍聞臣六十老人力捍天下之口歸功皇貴妃陛下尙以爲疑然則必如羣少年盛氣以攻皇貴妃而陛下反快於心乎疏入帝領之趙志皋張位亦力請居數日遂有出閣之命 十二月丙辰薊遼總督顧養謙兼理朝鮮事召宋應昌李如松還炒花二千騎入韓家路遼東總兵官尤繼先督諸軍奮擊卻之 左都御史孫丕揚陳臺規三事請專掌印重巡方久巡城著爲令已又言閭閻民瘼非郡邑莫濟郡邑吏治非按撫監司莫清撫按監司風化非部院莫飭請立約束頒天下獎廉抑貪共勵官箴帝優詔從之 中書舍人丁元薦上封事萬言極陳時弊言今日時勢可寒心者三饑民思亂也武備積弛也日本封貢也可浩歎者七征欽苛急也賞罰不明也忠賢廢錮也輔臣妬嫉也議論滋多也士習敗壞也褒功卹忠未備也坐視而不可救藥者一則紀綱人心也其所言輔臣專斥首輔王錫爵元薦座主也 振江北湖廣河南浙江山東饑 河南礦盜大

起

二十二年春正月己亥詔以各省災傷山東河南徐淮尤甚盜賊四起有司玩愒朝廷詔令不行自今以安民弭盜爲撫按有司黜陟鄭世子載堉上疏請宗室皆得儒服就試毋論中外職中式者視才品器使從之朝鮮王岵遣金晬等進方物謝恩何喬遠言晬涕泣言倭寇猖獗朝鮮束手受刃者六萬餘人倭語悖謾無禮沈惟敬與倭交通不云和親輒云乞降臣謹將萬曆十九年中國被掠人許儀所寄內地書倭夷荅劉綎書及歷年入寇處置之宜乞特敕急止封貢時廷臣交章皆以罷封貢議嚴守爲言獨石星力主封貢趙志皋亦冀無事相與應和諭德朱國祚面詰星惟敬者我鄉曲無賴因緣爲奸利耳公獨不計辱國乎星不能用帝令廣市珠玉珍寶供皇長子出閣儀物計直三十餘萬戶部尙書楊傑民等以故事爭帝手詔諭王錫爵欲易期錫爵婉請乃不果易已而兵部請護衛工部奏儀仗禮部進儀注皆畱中令止預告奉先殿朝謁兩宮他禮皆廢張貞觀等言禮官議御門受賀皇長子見羣臣之禮載在舊儀卽諸王加冠亦以成禮而賀賀羣謁見元子初出乃不當諸王一冠乎且謁謝止兩宮而缺然於陛下及中宮母妃之前非所以教孝賀斬於一皇子而漠然於兄弟長幼之間非所以序別疏入忤旨奪俸一年給事中黎道照上言元子初就外傳陛下宜示之身教乃采辦珠玉珍寶費至三十六萬有奇又取太僕銀十萬充賞非作法於初之意且貞觀等秉禮直諫職也不宜罰治給事中趙完璧等亦言之帝怒奪諸臣俸謫貞觀雖職錫爵等切救乃貶三秩頃之給事中御史許宏綱陳惟芝等連章申論帝竟除貞觀名言官亦停俸俊民博之子也二月癸丑皇長子常洛出閣講學用輔臣侍班詞臣六人侍講讀俱如東宮儀河南大饑人相食給事中楊東明繪饑民圖以進副使崔應麟見民啖澤中雁糞囊示巡按御史陳登雲登雲卽進之於朝帝覽之動容甲子免河南田租遣光祿寺丞鍾化民齎帑金振之掌詹事府禮部尙書陳于陛言史家之法紀表志傳謂之正史宋真宗祥符間王旦等撰進太祖太宗兩朝正史仁宗天聖間呂夷簡等增入眞宗朝名三朝國史此本朝君臣自修本朝正史之明證也我朝史籍止有列聖實錄正史闕焉未講伏觀朝野撰述可備采擇無慮數百種儻不及時網羅歲月浸邈卷帙漸脫耆舊漸凋事跡罕據欲成信史將不可得惟陛下立下明詔設局編輯使一代經制典章釐然可考鴻謨偉烈光炳天壤詔從之三月癸卯命詞臣分曹類纂以王錫爵趙志皋張位爲總裁于陛及南京禮部尙書沈一貫少詹事馮琦爲副總裁夏四月己酉朔日有食之帝督禮王錫爵逾前後諸輔臣錫爵注剛負氣自阿並封旨及趙南星趙用賢罷斥論救者咸得罪劾指錫爵爲之錫爵連章自明且申救人卒莫諒也遂引疾乞休帝不欲其去爲出內帑錢建醮所愈錫爵力辭疏入上乃允詔廷推閣臣無拘資品吏部尙書陳有年適在

告侍郎趙參魯盛訥等往咨之列王家屏沈鯉孫繼沈一貫孫丕揚鄧以讚馮琦七人名上蓋鐘丕揚非翰林爲不拘資琦四品爲不拘品也家屏以爭國本去位帝意雅不欲用又推及吏部尙書左都御史非故事嚴旨責讓謂不拘資品乃昔年陸光祖自爲人關地今推鐘丕揚顯屬徇私前吏部嘗兩推閣臣可具錄姓名以上於是備列沈鯉李世達羅萬化陳于陞趙用賢朱賡于慎行石星曾同亨鄧以讚等而世達故左都御史也帝復不悅謂詔旨不許推都御史何復及世達家屏舊輔臣不當擅議起用五月辛卯命于陞一貫以本官兼東閣大學士預機務而謫顧憲成及員外郎黃縉王同休主事章嘉禎黃中色雜職錫爵首疏救有年及參魯等疏繼上帝皆不納趙志皋張位亦爲吏部言而謂輔臣當出特簡廷推由陸光祖交通言路爲之不可爲法帝喜降旨再議賁遂免縉等貶論但停俸一年給事中盧明詠疏救憲成帝怒貶其秩斥憲成爲民有年抗疏言閣臣廷推其來舊矣曩楊巍秉銓臣署文選推閣臣六人今元輔錫爵卽其一臣邑有兩閣臣弘治時謝遷嘉靖時呂本皆由廷推官止四品而耿裕聞淵以吏部尙書居首皆非自今初至不拘資品自出聖諭臣敢不仰承因固乞骸骨帝以其詞直溫旨慰畱有年累疏請益力最後以身雖退遺賢不可不錄力請帝起廢帝報聞有年遂杜門不出疏四十上乃許乘傳歸歸裝書一篋衣一笥而已遂中立言兩年以來銓臣相繼斥逐恐今而後非如王國光楊巍則不能一日爲冢宰非如徐一楨謝廷案劉希孟則不能一日爲選郎臧否混淆舉錯倒置使黜陟重典寄之權門用舍斥罰視一時喜怒此人才消長之機理道廢興之漸不可不深慮也帝怒嚴旨責讓斥明詠爲民貶中立陝西按察使司知事憲成既廢名益高里故有東林書院宋楊時講道處也憲成與弟允成倡修之偕高攀龍錢一本薛敷教史孟麟于孔兼輩講學其中力闢王守仁無善無惡心之體之說當是時士大夫抱道忤時者率退處林野聞風嚮附學舍至不能容憲成嘗曰官輦輟志不在君父官封疆志不在民生居水邊林下志不在世道君子無取焉故其講習之餘往往諷議朝政裁量人物朝士慕其風者多邇相應和由是東林名大著庚子王錫爵致仕趙志皋始當國先是把兒兒圍遼陽朵顏小歹青福餘伯言兒分犯錦義掠清細河事聞詔職巡撫韓取善職逮副使馮時泰詔獄總兵官楊紹勳下御史問給事中吳文粹等論其失平志皋亦言封疆被寇武臣罪也今寬紹勳而深罪文吏恐武臣益恣帝不從時泰竟謫戍六月己酉雷雨西華門災敕修省陳于陞疏陳親大臣錄遺賢獎外吏核邊饑儲將才擇邊吏六事末言以肅皇帝之精明而末年貪黷成風封疆多事則倦勤故也今至尊端拱百職不修不亟圖更始後將安極帝優詔答之而不能用初卜失免爲河套部都督其部長切盡台吉最用事切盡台吉死卜失免不能制諸部呼拜反多助逆及拜誅切盡台吉之比吉帥著力免宰僧莊禿賴等頓首花馬池塞下悔罪求飲葉夢熊爲奏請帝以夢熊初主魏

學曾責其前後異議令要諸部縛叛贖罪著力免等求欵益堅夢熊與巡撫田樂奏上四鎮欵戰機宜俟朝議中外相杖莫敢
決秋七月丙申卜失免糾諸部深入定邊營張春井延綏總兵官麻貴乘虛播其帳於套中斬首二百五十有奇還自宣塞復
邀其零騎會寇畱內地久斬掠至下馬關蓋真游擊史見李經守備杜松以二千餘騎邀擊馬連井小勝誤入伏中見戰死經
松皆重傷士卒死過半夢熊急檄貴赴援督副將肅如蘭等連戰曉馬臺薛家窪斬首二百三十有奇獲畜產萬五千寇乃退
八月孫丕揚爲吏部尙書挺勦不撓百僚無敢以私干者獨患中貴請謁乃剏爲掣籤法大選急選悉聽其入自掣請寄無
所容一時選人盛稱無私然銓政自是一大變矣 楊應龍之罷征倭也巡撫王繼光嚴提勘結應龍抗不出張時照等復詣
奏關下繼光遂與總兵劉承嗣等分兵三道進襲山關屯白石口應龍陽約降而統苗兵據關衝擊承嗣兵敗殺傷大半會繼
光論罷卽撤兵委棄輜重略盡黔師協勦亦無功御史薛繼茂主撫應龍上書自白遣其黨攜金入京行間執原奏何恩詣茶
江縣而譚希忠代繼光與貴州鎮撫皆議勦冬十月己未命南京兵部侍郎邢玠總督川貴軍務討之 顧養謙力主撤兵劉
綬等先後盡調還乃議關白宜封爲日本王貢道宜從寧波諭行長部倭盡歸與封貢如約朝鮮王昞亦上疏請許貢保國帝
乃切責羣臣阻撓以刑部主事郭實先爲御史首倡異議斥爲民井赦石星盡錄諫封貢者名將大譴責趙志皋等力解乃已
丁卯詔小西飛入朝集多官面議要以三事一勒倭盡歸巢一旣封不與貢一誓無犯朝鮮倭俱聽從以聞帝復諭於左關諸
加周復封議遂定 抱兒兒以炒花天媛免伯言兒之眾營舊遠陽將入掠鎮武錦義又約土蠻子卜言台周及一克灰正
腦毛大諸部聲犯廣寧右屯把免兒先至吳家墳遼東總兵官董一元與巡撫李化龍計曰卜言台周雖眾然去邊遠我特患
把免兒及炒花耳今其眾不過萬騎破之則西部將不戰走乃遣副將孫守廉馳右屯禦西部而親將大軍踰鎮武外爲空營
待之寇騎馳入營大笑以爲怯乃深入官軍忽從中起奮呼陷陳自午至酉寇大奔逐北七十餘里至白沙塌俘斬五百四十
有奇獲馬駝二千伯言兒中矢死把免兒傷餘眾終夜馳天明駐馬環哭伯言兒最悍諸部倚以爲強嘗誘殺慶雲守備王
鳳翔至是死諸部皆奪氣其部下遂納欵其明日卜言台周入右屯攻五日夜守廉等固守亦引去把免兒炒花乃與卜言台
周瓜免兒小歹青益相結復臨邊駐牧期以明年正月略遼瀋東西復前恥一元慮歲晏不備爲寇所乘乃先西巡以遏其鋒
化龍亦畱弱卒廣寧數西發以疑寇一元提健卒踏冰渡河監軍參議楊備與之俱度墨山天大雪將士氣益奮三日夜行四
百里抵炒花帳斬首百二十級獲牛馬甲仗無算全師而還把免兒以鎮武創重歎曰我竟不獲報父讐乎未幾死其眾散亂
諸部悉遠遁 趙志皋年七十餘毫而儒張位與相厚善精悍敢任事多所裁決招權示威志皋爲朝士所輕御史趙文炳况

上進給事中張濤南京御史柳佐給事中章守誠評事龍起雷相繼披詆志皋乞罷不許御史冀體極論志皋不可不去帝怒責對狀體抗辭不屈貶三秩出之外以論救者眾竟斥爲民給事中楊恂復論志皋並及位其略曰今之議執政者僉曰擬旨失當也貪鄙無爲也是固可憂而所憂有大於是者許茂儼龍閑 衣厚齋金玉爲奸被人緝獲使大臣清節素孚彼安敢冒昧若此乃緝獲者被責而行賄者不問欲天下澄清其可得耶可憂者一楊應龍負固不服執政貪其重餌與之交通如近日綦江捕獲奸人得所投本兵及提督巡捕私書其餘四緘不言所投臣細詢番人始噤嚅言曰求票擬耳夫票擬輔臣事也而使小醜得以利動哉可憂者二推陞者吏部職也邇來創專擅之說以蠱惑聖聰陛下入其言而疑之於是內託上意外諉廷推或正或陪惟意所欲苟兩者俱無當則駁令更推少不如意譴謫加焉儼謂簡在帝心非政府所預何所用者非梓里姻親則門牆密契也如是而猶曰吏部專擅乎可憂者三言官天子耳目糾繩獻納其職也邇來進朋黨之說以激聖怒陛下納其譖而惡之於是假託天威肆行胸臆非顯斥於建白之時則陰中於遷除之日儼謂斷自宸衷無可挽救何所斥者非宿昔積怨則近日深讎也如是而猶謂言官結黨乎可憂者四志皋日薄西山固無足責位素負物望乃所爲若斯且其機械獨深朋邪日眾將來之禍更有難言者請罷志皋而防位嚴飭陳于陛沈一貫毋效二人所爲疏入謫陝西按察司經歷 林材偕同官言成憲不當爲祭酒馮夢禎不當爲詹事劉元震不當爲吏部侍郎先是西華門災材帥同官極言時政闕失材又嘗言願養諫不可爲總河石星叙平壤功罔上及是帝積前怒言材屢借言事誣謗大臣今復暗傷善類乃停諸給事俸一年而貶材三官尋以御史崔景榮等論救再貶程鄉典史 刑部缺員外郎吏部擬用南京通政司經歷何選帝謂特降官不當推舉切讓尙書孫丕揚等謫文選郎中馮生虞員外郎馮養志等極邊而斥選爲民以關臣言稍寬生虞養志等罰南京給事中任彥冀抗章論救語侵閣臣帝復怒謫彥冀於外生虞仍以雜職調邊方旋以言官論救並斥彥冀爲民御史許聞造言陛下頃歲以來謂公忠爲比周謂論諫爲激擾訓銓衡之所賢擢刑官之所執光祿太僕之帑括取幾空中外大小之官懸缺不補蔽扑過於宮闈桁楊接於道路論救忠良則愈甚其罪諫止貢獻則愈增其額奏牘沈閣而莫稱奄寺縱橫而無忌今欲摘陳一事則慮陛下益甚其事欲摘救一人則慮陛下益罪其人陛下執此以拒建言之臣諸臣因此而塞進言之路邇年以來諸臣嘗謬之風視昔大沮矣不報

二十三年春正月癸卯臨淮侯勳衛李宗城爲都督僉事充正使指揮楊方亨副之封平秀吉爲日本國王給金印行長等七人並授都督僉事宗城性從孫也 宰僧等犯陝西葉夢熊擊卻之 大計外吏九江知府沈銖嘗發巡撫秦耀罪江西提學

食事馬猶龍嘗定御史祝大舟贓賄爲庇者所惡考功郎蔣時馨黜之孫丕揚不能察也會趙文炳劾時馨受賄時馨以浙江參政丁此呂亦在黜中素善戎政都御史沈思孝大理寺少卿江東之疑文炳疏出思孝指遂訐思孝先庇此呂後求吏部不得以此二事憾已遂結東之及劉應秋等合李三才屬文炳帝惡時馨黜之思孝等疏辨求去丕揚言時馨無罪此呂受贓有狀思孝不當庇因上此呂訪單亦求去訪單者吏部嘗察時咨公論以定賢否廷臣因得書所聞以投筆察者事幸覈實亦間有藉以中所惡者而故事不廢故丕揚上之帝降詔慰留丕揚逮此呂詰責思孝趙志皋等再疏乞宥此呂且言此呂有氣節未必果貪污丕揚亦言此呂無逮問條帝不聽逮至下詔獄謫戍邊御史俞价強思馬從吾給事中黃運泰祝世祿皆爲時馨訟寃語侵思孝東之給事中楊天民馬經綸馬文卿又各疏劾思孝大抵言文炳之疏由思孝藉以播丕揚也思孝屢乞罷因詆丕揚負國員外郎岳元聲並論丕揚思孝言大臣相攻宜兩罷而攻丕揚時馨九力丕揚亦求罷不已文炳則謂己之劾時馨由於元聲東之述思孝意迫之非本意也帝皆不問思孝直節高天下然尙氣好勝動輒多忤以此呂故頗被物議然時馨此呂皆非端人丕揚思孝亦各有所左右君子惜焉 巡撫浙江都御史王汝訓清介疾惡巡按御史彭應參亦雅以強直名相與力鋤豪右烏程故尙書董份祭酒范應期里居不法汝訓將繩之適應參行部至應期怨家千人進道陳賕應參持之急檄烏程知縣張應望按之應期自縊死其妻吳氏詣闕懇寬帝命逮應參應望詔獄革汝訓職詰吏部都察院任用非人孫丕揚及都御史吏貞吉等皆引罪夏四月刑部尙書趙煥議應參獄失帝指引疾去帝意未釋譴致應參者給事中喬允等於外言官訟汝訓應參亦及允帝愈怒每疏入輒重九譴竟斥爲民 刑玠至四川察楊應龍支黨甚盛乃檄諭應龍許以不死會水西宣慰安疆臣請父國亨卹典石星手札示疆臣越應龍就吏許貴罪疆臣奉札至播招應龍而七姓恐應龍出得除罪亡命竄播者又多幸應龍反驛傳文移輒從中阻玠乃檄重慶知府王士琦詣綦江趣應龍安穩聽勸應龍使弟兆龍至安穩治郵舍儲糧叩頭郊迎致餽率如禮言應龍縛渠魁待罪松坎所不敢至安穩者恐墮仇民不測禍也士琦曰松坎亦曩奉勸地卽單騎往應龍果面縛道旁泣請死罪願執罪人獻罰金得自比安國亨士琦爲請於玠許之應龍乃縛獻黃元等十二人案驗抵應龍斬論贖輸四萬金助采木仍革職以子朝棟代次子可棟羈府追贖黃元等斬重慶市玠以聞兵部以倭氛未靖請緩應龍事東方朝廷亦以應龍尙有積勞可其奏於松坎設同知而以士琦爲川東兵備副使彈治之士琦宗沐子也 江北大水淮泗溢浸泗州祖陵奪總河尙書舒應龍官遣給事中張企程往勘 五月丁酉京師地震敕修省 山西巡撫魏允貞言汾州有兩郡王宗人與軍民雜處知州秩卑不能制請升爲府許之置汾陽縣爲府治以靈石臨二縣永宣沁二州隸之